

أنا عايش

بدون اهداف
وكل الناس
بتخدعني
واحيانا
باكون خواف
مابتحكمش
في مشاعري
ولووني حزين
في اشعاري
وطيبتي
وحدها شعاري
ومشواري
مابين الناس
باكون راوي
لأحداثهم
كثير منهم

طلع خاين
ومعظمهم
يكون جرح
ورافض
حتي يسمعي
ولما باحب
باكون صادق
واخاف جدا
من الضلمة
لو النور قطع فجأة
في خلق تبان
من الظاهر
بريئة وطيبة جدا
ومن جوا
تكون ظالمة
قلبي
عاشق للخيانة
يتلوي لو ما انجرحش

قلبي أصله
قلب جحش
أيوه جحش
لأنه لو فعلا يفهم
كان رفض
يكون ضحية
سلمته ليهم وبأيديا
وهو من
طيبته الزيادة
وبطبيعته
والسذاجة
يتلوي لو ما اندبحش

تخاريف مش مفهومة
وايه معناها مش عارف
متسألنيش عشان فعلا
مانيش عارف

الميت اكيد بيحس
وبيعرف مصيره ايه
لكن في هواكي
انا ميت ومش عارف
مصيري ايه
ياريت بصراحة تحكي لي
وصارحيني
حكايتي ايه
ح أعيش وياكي في الجنة
ح أدوق الشهد واتهنى
وللا مصيري النار
بدون اعزار
اكون شاكر
لو تصارحيني
وتحكي لي
مصيري ايه